



LIZARTZAKO
UDALA
GIPUZKOA

UDALAREN PREMIAZKO BILKURAREN AKTA

BERTARATUAK

alkate-udal burua

BEGOÑA BALERDI URDAMPILLETA

zinegotziak

OIER MINTEGI ZEBERIO

LOURDES SARASOLA ETXEBERRIA

JUAN JOSE GOGORZA BALERDI

FRANCISCA ZUBELDIA LULUAGA

JOSEFINA ALTUNA AZURMENDI

JOSE MARIA SARASOLA ETXEBERRIA

IDAZKARIA

ANA JESUS ZABALA GARMENDIA

Lizartzan, 2014ko apirilaren 7an, arratsaldeko 19:00etan, eta Udaleko alkate udalburua, Begoña Balerdi Urdampilleta izanik, Udaletxeko Bilkura Aretoan bildu dira alboan adierazitako zinegotziak.

Bilkuraren fede ematen du Ana Jesus Zabala Garmendia, udal-idazkari-kontu hartzaileak.

Bilkurari hasiera eman dio presidenteak, eta hauek izan dira jorratutako

GAIAK

LEHENA. LEHENA. PREMIATASUNAREN JUSTIFIKAZIOA

Alkateak, hitza harturik, dio:

Premiatasunezko bilkuraren justifikazioa, hainbat mozio epean onartu beharra da.

Premiatasunezko bilkura egiteko proposamena, aztertu eta eztabaidatu ondoren, aho batez onartua izan da.

BIGARRENA. 2014ko ABERRI EGUNERAKO UDALBILTZAREN MOZIO PROPOSAMENA

“Euskal Herritarrek gara eta ozenki adierazi nahi dugu”

Aturritik Ebrora eta Enkarterrietatik Auñamendira, Pirinioetako bi aldeetan 685 udalerrietan bizi garen 3 milioi euskal herritarren gehiengoak, gure hizkuntza, kultura, edo jatorria edozein izanik ere, Euskal Herritar gisa bizi nahi dugu. Gure eskubide zibil eta politiko barne, Nazioarteko Giza Eskubideen Aldarrikapen Unibertsaletik eratorzen diren eskubide guztien jabe bizi nahi dugu Euskal Herri osoan.

Baina hori, zoritxarrez ez da gaur guk pairatzen dugun errealitate politiko administratiboa. Euskal Herria estaturik gabeko herri bat da, eta gu, euskal herritarrok gure borondatearen gainetik, ofizialki frantziarrak edo espainiarrak izatera beharturik



LIZARTZAKO

UDALA

GIPUZKOA

gaude. Gure udalerrak 2 estatueta sakabanaturik daude. Alde batetik, Ipar Euskal Herriko 159 udal Frantziako Errepublikako Akitania izeneko erregioaren Pirinio Atlantikoetako departamentuaren barruan daude, Biarnoarekin batera diluiturik, inolako aitortza politiko administratiborik gabe. Bestetik, Espainiako Erresuman administratiboki kokatzen dira beste 526 udal. Hurrenez hurren: 272 Nafarroako Foru Komunitate izeneko Autonomia elkargoan, 251 Euskadiko Autonomia Elkargoan, 2 Gaztela-Leongo Autonomia elkargoko Burgos Probintzian eta azken bat Kantabriako elkargo autonomoan.


Errealitate hori ez da Euskal Herritarrek libre eta demokratikoki erabaki egin duguna, gerra eta konkistaz beteriko historiaren ondorioa baizik. Errealitate hori era demokratiko batean aldatzeko, Euskal Herriko udalek lan aitzindaria eta garrantzitsua egin dute historikoki. XX. mendean adibidez, horren lekukoa da 1931. urteko Lizarrako estatutua, 1976. urteko Bergarako alkateen mugimendua edo Ipar Euskal Herriko 1998. urtean Euskal Departamenduaren alde egindako aldarrikapen eta mobilizazioak.

XXI. mendea hastear zegoelarik Euskal Herriko udal eta Udal hautetsien Biltzarra, Udalbiltza, beste mugarri esanguratsua izan zen.

2014. urte honetan abagune berezia ari gara bizitzen. Begi bistan daude kontrako eta aldeko faktoreak. Alde batetik, nabaria da Espainia eta Frantziaren ezezko iraunkorra... Baina han daude ere Europako estatu berrien sorrera, Katalunia eta Eskoziaren autodeterminaziorako erreferendumak edo "gure esku dago" bezala, Euskal Herrian sortzen ari diren herri ekimen arrakastatsu berriak edo itxaropentsuak izatera bultzatzen gaituen Independentziari buruzko Etxarriko herri kontsultak.

Horregatik, Euskal Herriaren egunaren bezperetan, Euskal Herritarren egunera hurbiltzen ari garenean, aurreko guztia aintzat hartuz, LIZARTZAKo udalak Aberri Egunerako premiazko bilkura honetan, hurrengo adierazi nahi du:

- 1.- Euskal Herritarrak garelako adierazteko garaia heldu dela eta ozenki esan nahi dugulako, Euskal Herritartasunaren aldeko herri dinamika sortzeko eta sustatzeko deia luzatzea erabaki dugu.
- 2.- Kaleetan zein eraikuntza publiko eta partikularretan Euskal ikurrak jartzeko gonbidapena luzatzen dugu honen bidez. Zer ez garen baino, garena eta sentitzen duguna ikurren bidez publikoki adierazteko gonbidapena luzatu nahi diogu herritar orori.



LIZARTZAKO

UDALA

GIPUZKOA

- 3.- Zer garen gaur, iragana ezagutu gabe oso zaila delakoan, aitzineko zein garaikidea den oroimen historikoa berreskuratzeko konpromisoa hartzen dugu. Hala ere, iragana baino gehiago, oraina eta -batez ere- etorkizunari erreparatu nahi dugunez gero, kultur, hizkuntz eta identitate aldetik anitz eta aberatsa sortzen ari den Euskal Herri berri honi so egiten diogu. Horregatik, atxikimendu libreak oinarriturik, Herritartasun Agiri Ofizialaren beharra aldarrikatu, eta ekimen bateratua, ofiziala eta eraginkorra sortzeko konpromisoa adierazi nahi dugu.
- 4.- Independentziari buruz Etxarriko herriak apirilaren 13an burutuko duen herri kontsultari erabateko babesa adierazi nahi diogu. Erabakitze eskubidearen ariketa demokratiko praktikotzat jotzen dugu eta zentzu honetan bere zilegitasuna aitortu nahi dugu.
- 5.- Zentzu berean eta arrazoi berdinegatik, “Gure esku dago” herri ekimenak ekainaren 8rako antolatu duen Iruñea eta Durangoren arteko giza katean parte hartzeko deia, eta oro har, “Gure esku dago” herri dinamikari erabateko babesa adierazi nahi diogu.

2014ko Aberri Egunerako Udalbiltzaren mozio proposamena aztertu eta eztabaidatu ondoren, aho batez onartua izan da.

HIRUGARRENA.- INFORMAZIOA EMATEKO LANKIDETZA HITZARMENA, OGASUN ETA FINANTZA DEPARTAMENTUAREN ETA LIZARTZAKO UDALAREN ARTEAN

Ogasun eta Finantza Departamentuarentzat eta Gipuzkoako Lurralde Historikoaren udalentsat beharrezkoa da datu jakin batzuen lagapena, beraiei esleitutako zereginak garatzeko eta eskumenak betetzeko.

Zentzu honetan, ekainaren 22ko 11/2007 Legeak, herritarrek zerbitzu publikoetan sarbide elektronikoa izateari buruzkoak, jasotzen duenez, herritarrek ez dute herri-administrazioak dagoeneko bere esku duen datu eta agiririk aurkeztu beharrik. Herri-administrazioak bitarteko elektronikoz balia daitezke informazio hori eskuratzeko. Hala ere, datu pertsonalak direnean interesdunak baimena eman beharko du Datu Pertsonalak Babesteari buruzko 15/1999 Lege Organikoak edo lege mailako arau batek ezarritako eran, salbu eta eskatutako datu edo agiri horiei aplikagarri zaien legeriak murrizpenak ezartzen dituenean.

Printzipio horrekin bat, administrazio bakoitzak interesdunei buruz euskarri elektronikoa dituen datuetara iristea erraztu behar die gainerako administrazioei, eta



LIZARTZAKO

U D A L A

GIPUZKOA

horretarako datu horiek segurtasunez, osorik eta baliagarritasunez iristeko behar diren baldintza, protokolo eta irizpide funtzional edo teknikoak zehaztu behar ditu, aipatutako Lege Organikoan xedatutakoaren arabera, eta segurtasun eskema nazionalean (ENS) eta sistema elkarreragingarritasunaren eskeman (ENI) ezarritako beharkizunak beteaz. Bestalde, Zergen Foru Arau Orokorreko 91. artikulua honakoak ezartzen ditu, zerga administrazioak datuak eskuratzeari buruz ari dela:

“1. Agintariak, edozein izaera dutela ere, lurralde historikoetako titularrak, autonomia erkidegoetakoak, estatukoak eta toki entitateetakoak; organismo autonomoak eta entitate publiko enpresarialak; ganbera eta korporazioak, profesionalen elkarte eta elkarteak; gizarte aurreikuspeneko mutualitateak; gainerako entitate publikoak, Gizarte Segurantzaren gestorak barne, eta, oro har, funtzio publikoan dihardutenak, behartuta daude Zerga Administrazioak xedapen orokorren bidez edo errekerimendu zehatzen bitartez eskatzen dizkien datu, txosten eta aurrekariak ematera, zerga alorrean garrantzitsuak direnean. Orobat, behartuta daude Zerga Administrazioari eta bere agenteei euskarria, laguntza, sorospena eta babes eskaintzera beren eginkizunak bete ditzaten.

.....

5. Aurreko artikuluan, artikulua honetako aurreko apartatuetan edo lege mailako beste arau batean xedatutakoaren arabera Zerga Administrazioari jakinarazi behar zaizkion datu pertsonak emateko, ez da eragindako pertsonaren baimenik behar. Esparru horri dagokionez, abenduaren 13ko 15/1999 Lege Organikoak, Datu Pertsonalen Babesari buruzkoak, 21. artikulua 1 apartatua xedatutakoa ez da aplikatuko.”

Era berean, Zergen Foru Arau Orokorreko 92. artikulua honako hau ezartzen du, zerga datuen lagapenari buruz:

“1. Zerga Administrazioak bere eginkizunak betetzean eskuratzen dituen datu, txosten edo aurrekariak izaera erreserbatua dute, eta berak kudeatu behar dituen zergak edo baliabideak modu eraginkorrean aplikatzeko eta zigorrak ezartzeko baino ezin dira erabili. Hortaz, ezin izango zaizkio beste inori utzi edo jakinarazi, non eta horren xedea honako hau ez den:

.....

b) Beste zerga administrazio batzuei laguntzea beren eskumenen esparruan sartzen diren zerga obligazioak betetzeko.



LIZARTZAKO
UDALA
GIPUZKOA

.....

d) Beste edozein herri administrazioarekin elkarlanean aritzea, fondo publikoetatik edo Europar Batasunetik ematen diren diru laguntzak lortu edo jasotzean egiten den delitu fiskalaren eta iruzurraren aurka borrokatzeko.

.....

j) Zergaz kanpoko baliabide publikoak biltzeaz arduratzen diren zuzenbide publikoko organo eta entitateei laguntzea ordaintzera behartutakoak behar bezala identifikatzeko.

.....

l) Herri administrazioekin eta sektore publikoko gainerako entitateekin lankidetzan aritzea euren eginkizunak bete ditzaten, emandako datuetan aipatzen diren zergapekoek baimena eman ondoren.

m) Euskal Autonomia Erkidegoko lurralde administrazio publikoekin elkarlanean aritzea, haren eskumeneko zuzenbide publikoko sarrerak biltzeko.

..... ”


Aurrekoarekin bat, 2014ko otsailaren 24ko 148/2014 Foru Aginduak, informazioa emateko lankidetzaren hitzarmen ereduak, Gipuzkoako Ogasun eta Finantza Departamentuaren eta Gipuzkoako Lurralde Historikoko udalen artean sinatzekoa, onartu zuen.

Horrenbestez, aipatutakoa kontutan hartuta, Lizartzako Udaltzarak, Informazio Batzordearen proposamena jarraiki, eta gaia aztertu eta eztabaidatu ondoren, honako hau

ERABAKI DU

LEHENA: Informazioa emateko lankidetzaren hitzarmena sinatzea, 2014ko otsailaren 24an emandako 148/2014 Foru Agindu bidez onartutako ereduari jarraiki, bere A1, A-2, A-3 eta A-4 eranskinekin batera.

BIGARRENA: Alkate-lehendakariari ahalmena ematea aipatu hitzarmena Lizartzako Udalaren izenean eta ordezkaritzan sina dezan.



LIZARTZAKO

UDALA

GIPUZKOA

HIRUGARRENA: Gipuzkoako Foru Aldundiko Ogasun eta Finantza Departamentuari erabaki honen berri ematea, horretarako dagokion ziurtagiria eginez, eta halaber, hitzarmenaren bi ale bidaltzea, alkate-lehendakariak sinatuta.

LAUGARRENA.- TOLOSALDEA GARATZENeko, LEHENTASUNEZKO EROSKETA ESKUBIDEARI UKO EGITEA

Tolosaldea Garatzeneko Administrazio kontseiluak 2014/03/13ko datan osatutako txostenean 0,1 euroko balio nominala duten 62.830 akzio berri jaulkiz SEI MILA BERREHUN ETA LAROGEITA HIRU EUROtako (6.283,00) kapital zabalkundea proposatu du.

Kapital zabalkundeko proposamen horren aurrean, Udalbatzak lehentasunezko erosketa eskubidea erabiltzeari uko egin dezan proposatu da, Kapital Sozietateen Legeko 304 artikulok aurreikusten duenaren arabera.

Lehentasunezko erosketa eskubideari uko egiteko proposamena, aztertu eta eztabaidatu ondoren, aho batez onartua izan da.

BOSTGARRENA.- TOLOSALDEA GARATZENeko KAPITAL MURRIZKETAREN ONARPENA ETA GAUZATZEA BAIMENTZEA

Tolosaldea Garatzeneko Administrazio kontseiluak 2014/03/13ko datan osatutako txostenean 0,1 euroko balio nominala duten 62.810 akzio amortizatuz SEI MILA BERREHUN ETA LAROGEITA BAT EUROko (6.281,00) kapital murrizketa proposatu du.

Kapitala murrizteko proposamen horren aurrean, eta akziodun moduan eragiten dion neurrian, kapital murrizketa proposamen horretan aurreikusten den moduan egitea onartu da, Kapital Sozietateen Legeko 329 artikulok aurreikusten duenaren arabera.

SEIGARRENA.- TOLOSALDEKO PROIEKTU ESTRATEGIKOTARAKO FUNTSA

Eskualdeko proiektu estrategikoak finantzatzeko blioko duen funtza ekonomiko bat sortzea proposatzen da honenbestez, gure ibilbidea eta etorkizuna goragoko erakunde eskumenduneneskutan erabat utzi beharrik ez izateko, eta bertatik bertara identifikatzen ditugun erroka eta aukeren aurrean azkarrago eta eraginkorrago jarduteko.



LIZARTZAKO
U D A L A
GIPUZKOA

Funtsak honako ezaugarri orokorrak izango ditu:

- Tolosaldea Garatzenek kudeatuko du Funtsa, bertara egiten diren ekarpenak eta haien erabilpena.
- Eskualde ikuspegitik estrategikoak diren proiektuetara bideratuko dira Funtsako baliabideak (energia berriztagarriak, eskualdeko sektore helduetan dibertsifikazioa sustatzea, balio erantsi handiagoko jardueren sustapena, Lehiberri, ...) Hori bermatzeko eginkizuna et ardura izango du Tolosaldea Garatzeneko administrazio kontseiluak.
- Funtsa honetako baliabideak ezingo dira erabili Tolosaldea Garatzeneko zerbitzu arrunten finantzaziorako, modu argi batean identifikatutako proiektu estrategikoak bideratzen laguntzeko baizik.
- Funtsak bi proposamen-iturri nagusi izango ditu:
 - a) Eskualde mailako hausnarketa estrategikoak (hala nola, indarrean dauden Lehiakortasun Diagnosiak, Enplegu Planak, Plan Estrategikoak, e.a.)
 - b) 2014an eratuko den Eskualdeko garapen sozioekonomikorako Parte hartze sistema bideratuko duen Kontseiluaren proposamenak (Tolosaldea Saretzen).
- Funtsaren erabilpenerako proposamenak, datozen iturritik datozela Tolosaldea Garatzeneko Administrazio Kontseiluan aurkeztu, eztabaidatu eta ebatziko dira. Tolosaldea Garatzeneko Administrazio Kontseiluak ebatzi beharko du urte bakoitzean lagundu beharreko proiektuak zeintzuk diren eta dagokien zenbatekoa.
- Tolosaldea Garatzeneko Administrazio Kontseiluak Funtsara egindako ekarpenak metatzeko aukera baliatu ahal izango du, urte batean baliabide guztien erabilpena justifikatzeko moduko proiekturik ez badago, edota dimentsio handiagoko proiektu baterako baliabideak metatzeko beharra ikusten bada.
- Urteko ekarpena udalerrri bakoitzak aurreko urtean IAE kontzeptuan kobratutako kopuru totalaren %10 izango da.



LIZARTZAKO

U D A L A

GIPUZKOA

- Udalek urte bakoitzeko ekarpena apirilaren 30 baino lehen helaraziko diote Tolosaldea Garatzen S.A.-ri diru laguntza moduan.
- Funtsaren izera mugagabea da eta bere eraginkortasuna eta erreferentzialtasuna bermatzeko udalei 4 urterako konpromisoa eskatuko zaie hasieran. 2017ko abenduaren 31 baino lehen ekarpenak egiteko modua eta intentsitatea berrikusiko dira, lehen lau urteetan izandako esperientziaren arabera.
- Proiektuak hala justifikatzen duenean, eta onuradun zuzenak diren udalek IAERik ez duten kasuan, ekarpenak egiteko beste aukerak aztertu dira (lurren lagapena ...)
- Tolosaldeko Proiektu Estrategikotarako Funtsaren Erabilpena eta Kudeaketa Memoria eta balorazioa urtero aurkeztuko dira Tolosaldea Garatzeneko Batzar Orokorrean.

Ondorioz, Tolosaldea Garatzeko Administrazio Kontseiluak hau eskatzen du:

- Lizartzako Udalak **Eskualdeko Proiektu Estrategikotarako Funtsa** sortzeko ekimenarekin bat egin dezala, eta bera babestu eta ekonomikoki hornitzeko konpromisoa har dezala, Tolosalderako estrategikoak izan daitezkeen proiektuak bideragarri bihurtzeko baliabide berri bat sortuz eta horrela eskualdera, eta ondorioz, Lizartzako udalerria ere, enplegua eta aberastasuna sustatzeko bide berriak irekiz.
- Eskualdeko Proiektu Estrategikotarako Funtsa hornitzeko 2014, 2015, 2016 eta 2017ko aurrekontuetan aurreikus dezala partida ekonomiko berezi bat, Tolosaldea Garatzeni bideratutako diru laguntza bidez. Partida ekonomiko hori, Lizartzako Udalak hurrenez hurren 2013, 2014, 2015 eta 2016 ekitaldietan Jarduera Ekonomikoaren gaineko Zerga kontzeptupean kobratutako kopuru totalaren %10a izango litzateke.
- Lizartzako Udalak Tolosaldea Saretzen, eskualde mailako parte harte sistema iraunkor eta integralean aktiboki parte hartzeko konpromisoa har dezala, eta herri mailan ikuspegi sozial eta ekonomiko batetik garapena sustatzeko lagungarri izan daitezkeen eragileak bertara erakartzeko ahalegina egin dezala, Eskualdeko Proiektu Estrategikoetarako Funtsaren erabilpenari zilegitasun eta eraginkortasun handiagoa emanez.



LIZARTZAKO
U D A L A
GIPUZKOA

Tolosaldea Garatzeneko Administrazio Kontseiluak burututako eskaera, aztertu eta eztabaidatu ondoren, aho batez onartua izan da.

Eta beste gairik ezean, alkateak amaitutzat eman du bilkura, arratsaldeko 19:30etan, eta nik, idazkari naizen aldetik, horren fede eman dut.

ALKATEAK

Izpta: Begoña Balerdi Urdampilleta

IDAZKARI-KONTU HARTZAILEAK

Izpta: Ana Jesus Zabala Garmendia